



Universitätsbibliothek Paderborn

Joannis Commirii E Societate Jesu Carminum Libri Tres

Commire, Jean

Lutetiæ Parisiorum, 1678

Ad V. III. J. Dionysium Dauledam Estonacium. Senatus Burdigalensis
Principem. Ode V. Avsonivs Poeta Consularis amplissimam civi suo
dignitatem gratulatus, novos eidem honores gratulatur.

urn:nbn:de:hbz:466:1-14818

Mirans advena quos legat :
Si vos tangit honor carminis, aut salus;
Phœbi spernite flumina.
Istæ majus eo numen habent aquæ.

AD V. ILL.

J. DIONYSIUM DAULEDAM ESTONACIUM.

SENATUS BURDIGALENSIS PRINCIPEM.

ODE V.

AUSONIUS POETA CONSULARIS
amplissimam civi suo dignitatem gratulatus,
novos eidem honores gratulatur.

UT Fama Elyrias domos
 Venit lætitiae nuntia publicæ ,
 Centum vocibus ac tubis
 Daüledam referens , semideûm genus ,
 Francæ lumine purpuræ ,
 Supremisque togæ fulgere honoribus :
 Manes Aufonius pios
 Notum continuo sevocat in nemus ,
 Rubris myrtus ubi comis
 Servabat memores supplicii notas.
 Ex quo , Cypride judice ,
 Egit sœva reum turba Cupidinem ,
 Suffixitque cruci ; sua
 Adscripsisse Deo crimina gestiens .
 Adsunt undique consuli ,
 Evincti nitidum molli hedera caput

Vates

Vide idyllium
 Aufonii , cui titulus est : Cupido
 cruci affixus .



Vates , & choreas pede
 Gaudent in numerum ducere libero.
 Festo præcipue fremunt
 Læti murmure , quos Burdigala artium
 Mater nobilium tulit :
 Paulini veteres , cognita non semel
 Fastis nomina Romulis ;
 Ætatisque suæ justa superbia ,
 Astrææ soliti infulis
 Pontaci Aoniam nectere lauream ;
 Et quotquot vetuit mori
 Post bustum & cinerem Musa superstites.
 Tum vero emeritas manu
 Palmas concutiens , non sine numine
 Heros sic canere incipit :
 Quo cantu Eridanus defluere immemor
 Fontes continuit suos ,
 Et Lethe tacito restitit alveo.
 Clararum decus urbium ,
 Quæ vinci indocilem Vasconiam tuo
 Regina imperio tenes ,
 Et terris pariter juraque das mari :
 Nunc , ô patria desine
 Fasces , & trabeas , & Jovis aureis
 Sellam curribus æmulam ;
 Et gratæ , statuas , præmia tibiæ
 Mirari. Veteres recens
 Laus quando titulos deserit , & prior
 Magno surgit avo nepos.
 At quamvis ferulae subdita Cæsarum
 Vidi sceptræ meæ : tamen
 Haud cessisse pudet , dotibus ingenii

Aeneid. I. 6. v. 659.

JO. COMMIRI.

152
Dauledae minime parem.
Hic regum egregiis doctior artibus
Prolem fingere; & arduum
Per virtutis iter non timidam sequi,
Templo sistere gloriæ
Divorum pueros inter amabiles.
Hic sancti vice principis
Justo fata virum examine pendere,
Vitæque ac necis arbitram
Inflexâ melior vertere dexterâ
Urnam consilio patrum.
Felix sorte sua! quem probat unice
Expertus studium ac fidem,
Et jam dignum aliis tollere destinat
Ludovicus honoribus.
Ergo turrigerum sideribus caput
Nunc, ô Burdigala, infere:
Nunc non indecorem sume superbiam,
Una prole beatior,
Quam quæ cincta suis Roma Catonibus
Se matri æquiparat Deum.
Nos vati interea purpureo juvat
Latum plaudere, & aureæ
Desponsum Themidi dicere Apollinem.
Sic fatus cecinit tuba,
Et blandas digitis increpuit fides.
Quo signo Elysii chorus
Omnis lene fremit, nomen & inclytum
Dauledae recinens decus.
Dauledam litui, plectraque tibiæ
Permisiſtis referunt fonis:
Ingratoque diu muta silentio

Echo carmen amabile
Tercentum geminat garrula vocibus.

AD DIVAM CÆCILIAM.

STEPHANO DE FIEUX

ABBATE DE BELLOLOCO

CANONICO ROTHOMAGENSI, &c.

MUSICÆ SOCIETATIS PRINCIPE ET AGONOTHETA.

ODE VI.

FESTO Cæciliam die
Votivis properat tollere honoribus
Supplex turba clientium :
Delectusque sacri rite Fieuxius ,
Et certaminis arbiter ;
Patronam ad numeros qui melius canent ,
Ollis munera destinat ,
Victricique parat cingere laurea.
Ergo ferte citi pedem
Vates , Harmoniæ non dubium genus ,
Cœleste aligerûm melos
Queis æquare datum cantibus æmulis :
Curvæ Diva lyræ potens ,
Ventosique animans blandius organi
Vocales digitis tubos ,
Auctor carminis & materies erit.
Paretur : melicus puer
Dat signum , liquido gutture temperans